

## РУСКИ ЯЗИК У СЕРБИЈИ И ЙОГО МЕСТО У ФАМЕЛИЈИ СЛАВЈАНСКИХ ЯЗИКОХ<sup>1</sup>

*Абстракт:* Бачко-сримски Руснаци / Русини представяю доказ же длуготирваце егзистоване єднеј малочисленей заєдніци цалком можліве лем кед держава витвори одвитууюци условия. Сербия обезпечела високи ступень гаранцийох же меншински права у обласцох образования, култури, информования и урядового хаснования языка и писма, буду, по значни уровень, почитовани. Руснаци припадаю карпаторусинскому/рускому народу, автохтонеј славянскеј популацији централноевропско-карпатского региона, подзеленого з границами України, Польскеј, Словацкеј, Мадярскеј, Румуниї, Ческеј републики и Молдавиї. Выводзаци заключене по стандартних критериюмох одредзovania припадносци гу восточней, заходней и южней групи славянских языкох, автор заключує же руски язык дзелї характеристики зоз заходнославянским, хтори и преовладую, восточнославянским та и южнославянским языками.

*Ключни слова:* Руснаци / Русини, руски язык, славянски языки, меншински языки, лингвистични критериюми

### 1. У карпатским ареалу

Бачко-сримски Руснаци / Русини припадаю карпаторусинскому/рускому народу, автохтонеј славянскеј популацији централноевропско-карпатского региона, подзеленого з границами України, Польскеј, Словацкеј, Мадярскеј, Румуниї, Ческеј републики и Молдавиї. Їх националне мено повязує их зоз востоком, прето же Рус (Русь) була назва териториї велькеј стредньовиковней держави зоз центром у Києве. Велї назви з хторима ше карпатоски Русини наволовали або з хторима их наволовали други – як напр. Карпато-Русин, Карпато-Рус, Угро-Русин, Рутен, Руснак, Рушняк итд. шицки ше одноша на жридлову и традиционалну вязу зоз восточнославянским народом Руса.

Виками Руснаци жили у границох Мадярского кральовства. Жили у сиверовосточних мадярских жупанийох, точнейше у Земплину, Шаришу, Абауй-Торни, Боршоду, Саболчу, Ужу, Угочи, Марамарошу и Гемеру. Векшина з тих жупанийох находзи ше нешка у восточней Словацкеј, а други у Мадярскеј,

<sup>1</sup> Робота настала як продукт проектох 187002 и 187017, хтори финансиує Министерство науки Републики Сербии.

України и Румунії. Пред коло 260 роками групи Руснацох почали ше селіц зоз свойого отечества у Карпатских горох на юг до Сриму и Бачки, хтори ше нешка находза у Войводини у Сербії и у Восточней Славонії у Горватскей.

По поражению и поцагованю Отоманскей имперії з Бачки, Сриму и Банату 1699. року, австроугорским власцом требало вецей жительствова на югу своєї держави та побудзовали на колонизацию Немцох, Мадярох, Словакох и других, як и Русинох (Gavrilović, 1977: 153). То причина прецо и предком войводянских Русинох, гражданом шлєбодного статуса у Габсбургскей монархії („Ruthenus Libertinus“, як их наволовали) и грекокатолицкей (униятскей) вири, у вкупним числу од коло 2.000, допущене же би ше, по контракту з державнима власцами, населили до „*dessolata possessio Keresztur*“ и места Коцур, хторе недалеко, у централней Бачки стредком XVIII века (Хорњак, 2006: 25).

Присельованє до нового краю почало дзешка медзи 1743. и 1746. роком. Рок 1745. вжати як рок урядового насельованя Руснацох до Бачки з оглядом же 17. януара 1745. Франц Йозеф де Редл, совитник царици Марії Терезії и администратор Бачкого державного округу у Сомбору, подписал перши официйни документ – контракт о насельованю 200 руских, грекокатолицких фамелийох на пустару Вельки Керестур. Контракт о насельованю Руснацох до Коцура подписани 1763. року (Лабош, 1979: 77). Евидентне же Руснаци були населени до тих крайох под истима або подобнима условиями як и други народи (окрем Немцох хтори мали найвигоднейши условия насельованя). Значне визначиц же Руснаци були грекокатолики и же то представляло єдну зоз причинох прецо им було дошлєбодзене населиц ше у южних часцох Австро-Угорскей монархії. Кед би були православни, не було би им допущене виселиц ше зоз сиверних жупанийох.

## 2. У новим краю

У новим швеце приселєнци будовали хижи, обєкти за газдованє, церкви, школи и други явни институції.

Рускокерестурска парохия основана 1751. року, а основна школа у Руским Керестуре почала робиц 1753. року. Перша грекокатолицка церква у Коцуре збудована 1765. року. Рускокерестурска и коцурска парохия були уключени до Крижевского владичества за грекокатоликох 1777. року. Пред тим парохії були часци Калочскей католицкей архиепископии. Руснаци постали унияти (грекокатолики од 1772. року) з Брестску (1596) и Ужгородску (1646) унию.

Як ше руске жительство з часом звекшовало, у гледаню работи и лепшого живота, велї ше, починаючи з конца XIX века, виселили з Руского Керестура и Коцура до Кули, Вербасу, Нового Саду и Дюрдьова у Бачки, до Шиду и Сримскей Митровици у Сриму (у терашней Сербії), до Славонії и локалитетох коло Вуковару и рики Сави (у терашней Горватскей) и преїг Атлантского океану до Зєдинєних Америцких Державох и Канади.

Од часу кед ше перши Руснаци приселели до тих крайох та по Першу шветову войну, вони доминантно були фармере. Їх ремеселніки були організовані до еснафох, а священікох и учительох було барз мало. З часом Руснаци напредовали у економским, националним и културним живоце. Поспишело им ше очувац свой идентитет. Формовали свой язык и подзвигли го на одредзени уровень же би го могли хасновац у друкованю кнїжкох. Перша кнїжка на руским языке Идилски венец *З мойого валалу* Гавриїла Костельника, хтора публикована 1904. року.

На концу Першей шветовой войны Австро-Угорска монархия ше розпадала. Шицки конари русинского народу, хтори по 1918. рок, существовали и розвивали ше у рамикох єдней держави, Габсбургскей монархиї, вецей не були ведно. Руснаци у Бачки мушели найсц свою власну драгу.

У Сербії (або у Краљовини Сербох, Горватах и Словенцох, або, познейше, у Краљовини Югославії) Руснацом допущене формовац национални, културни институції на основи колективних правох шицких националних меншинох, цо не бул случай у їх старим краю. Вони достали статус националней меншини славянского походзєня 1919. року, перши и, у периодзе з веліх рокох, єдини медзи своїма сонародніками у Карпатским ареалу. То була подія од значєня найвисшого ступня хтора трасовала драгу їх национального и културного розвою. У таких обставинох Руснаци чувствовали же снованє Руского народного просвитного дружтва, воланого Просвита, бул перши крочай зоз хторим вони манифестовали своєю намаганє гү независному национальному и културному животу. На сновательней схадзки, 2. юлия 1919. року у Новим Садзе, руска национална заєдніца ришела дзвигнуц свой народни язык (не русийски або украински) на уровень литературного языка. По нешка ше каждодньова руска бешєда хаснує у образованю, културним живоце и преси.

Остатні даскельо роки Република Сербия превжала даскельо крочаї хтори без сумніву одкриваю вельку усиловносц би ше унапредзел статус рускей меншини. Пред осем роками (2002) Покраїнски секретариат за предписаня, управу и национални заєдніци установел за каждую меншину цалком нову институцію – Национални совет за каждую меншину. Остатні даскельо роки Република Сербия превжала даскельо крочаї хтори без сумніву одкриваю вельку усиловносц би ше унапредзел статус рускей меншини. Пред дзешец роками Покраїнски секретариат за предписаня, управу и национални заєдніци установел за каждую меншину цалком нову институцію – Национални совет за каждую меншину. Национални совети, як найвисши органи меншинскей самоуправи у Републики Сербії, оформени на основи Закона о заштити правох и шлєбодох националних меншинох 2002. року у тедишней Союзней Републики Югославії хтори верификовала Скупштина, а з организаційну и другу потримовку Министерства за людски и меншински права (Руснаци, 2009: 17). Главни обласци активносци Национального совета рускей националней меншини то култура, образованє, медиї и, генерално патраци, скоро шицко цо значне за руску меншину. Совет єдини легални представитель ру-

скей меншини. Шицки руски институції и організації конкурую зоз своїма проєктами при розличних покраїнских секретариятох (за национални меншини, за образованє, за науку и технологийни розвой, за культуру, за вирски заєдніци, за привреду и други) а НСРНМ одобрує або одбива їх финансованє з боку покраїнских власцох. Национални совет рускей националней меншини достава и периодични бюджетски средства як зоз министерствох Републики Сербії зоз Београду, так и зоз покраїнских / войводинских секретариятох за финансованє, у єдней розумней мири, цалей культурней активносци.

Року 2006. прилапени нови Устав и право на вибор националних советох конституционализоване. Устав Републики Сербії зоз 2006. року ґарантує у члену 75. колективни меншински права на основи хторих припадніки националних меншинох, непосредно або преїг своїх представнікох, участвую у одлучованю або сами одлучую о поєдинечних питаньох вязаних за свою культуру, образованє, информованє и урядове хаснованє языкох и писмох, у складу зоз Законом. Устав уключує шицки релевантни медзинародни документи хтори ше одноша на меншини.

Припадніки рускей меншини маю право образовац ше на мацеринским языку и нацивйовац годзини хтори ше фокусују на историю и культуру меншини, а, источасно, паралелна настава на сербским языку обовязна.

Припадніком рускей меншини оможлівене хасновац свой язык урядово у општини або населеню у хторим творя 15 % локального жительствова. Уставни закон обезпечує и урядове хаснованє руского языка у судских поступкох, праве як и у виберанкових материялох. Рускей меншини дате право же би на своїм языку могла виписовац назви улїцох або других географских местох. У обласцох у хторих руска меншина твори по 15 % локального жительствова законски предписаня ше обявюю на руским языку.

Єдна з уставних одредбох хтора заслужує окремну увагу то гевта хтора оможлівює членом националних меншинох же би шлєбодно запровадзовали и отримовали одношеня зоз легалними субектами хтори перебуваю у странских державох, зоз гевтима зоз хторима маю даяки колективни, культурни, язични або вирски подобносци.

Держава ше обовязує же будзе финансиовац главни культурни активносци хтори організую припадніки єдней националней меншини. За финансованє культурних проєктох організаторе ше стимулюю же би финансїйни средства вимагали од приватних и державних організаційох и инситуційох хтори ше находза у иножемстве.

Нешка ше найширша культурна активносц рускей националней заєдніци витворює у контексту коло дваець неполитичних, культурно-просвитних-уметніцких організаційох и институційох. Єст, иншак, коло дваець пейц традиційни культурни фестивали / манифестациї.

### 3. Фактори обстојња у бачки и сриму

Сумирајући период по почеток дзеведзешатих рокох прешлого вика, Мирон Жирош наводзи 14 предпоставки (фактори) хтори, по нїм, привели до финалногo стану – егзистованя малей популациї свидомих Руснацох, ут-вердзованя їх националногo јазика и його подзвигованя на уровень 14. сла-вянскогo јазика, узретосци рускеј литератури, новинарства, фолклора и теа-тра. Жирош видзелел шлїдујуци фактори (Жирош, 1998: 463): 1. существованe двох руских центрох – Керестура и Коцура; 2. яснe припознаванe припаданя гу Русином Закарпатскеј обласци; 3. моцнe унапряменe на „триманe ведно“ медзи странцами; 4. Грекокатолицка цeрквa и чуванe националногo иден-титетa; 5. руска школа; 6. стаемни контакти зоз Горнїцу (зоз карпатским от-ечеством, зоз бувшима Горнїма жемами Австро-Угорскеј); 7. обезпечованe кнїжкох и друкарнї зоз Горнїци; 8. образованe рускеј интелегенциї; 9. чуванe традицијох и националних обичајох (напр. цeрковних шветох – Крачуна, Велькеј ноци, Кирбая), рускеј свадзби и јавногo живота; 10. снованe Рускогo народногo просвитногo дружтва; 11. новe обновљованe, повойнови розвој од 1945. по 1990. рок; 12. улога Дружтва за руски јазик и литературу; 13. Фе-стивал култури Червена ружа; 14. Драмски меморијал Петра Ризнич Дядї и Руски аматерски театар Дядя.

Мајуци у оглядзе случованя у рускеј националнеј заеднїци, на концу першей децениї 21. вика, Жирошова анализа би могла буц преширена зоз найменей ещи дзешец факторами хтори без сумнїву доприноша существованю малей популациї свидомих Руснацох. Ми видзелели шлїдујуци фактори: 1. Национални совет рускеј националнеј меншини; 2. Завод за културу войводянских Руснацох; 3. Руски народни театар Петро Ризнич Дядя; 4. Апостолски егзархат за грекокатолицкох у Србиї и Чарней Гори; 5. Образовна вертикала на руским јазуку; 6. Рижнородна издавателна активносц; 7. Електронски медиї; 8. Нови културни организацїи и манифестациї; 9. Револуционерни пременки у Карпатским ареалу; 10. Вигодни мединародни обставини. Кажди з наведзених факторох обробени у монографїи *Нова Србија и њена русинска мањина / Нова Србија и еј руска меншина / The New Serbia And Its Ruthenian Minority* (Фејса, 2010), а з теј нагоди затримаме ше на пиятим фактору – образовнеј вертикали.

Јшелька, предлужене перебуванe и воспитни групи за пририхтованe дзецох до школи существуют у Руским Керестуре. Воспитни групи у хторих ше дзеци пририхтую за школу на руским јазуку и предлужене перебуванe за пред-школски дзеци егзистую у Коцури и Дюрдьове. У стредкох у котрих не постої можљивоц организованя порядних воспитних групох на руским јазуку, руски ше виуче як окремини предмет хтори ше вола Пестованe рускогo јазика з еле-ментами националнеј култури. Таки воспитни групи организовани у Кули, Новим Садзе и Вербаше, а плануе ше организовац пестованe рускогo јазика и у рамикох предшколских оддзеленюх у Бачинцох, Беркасове, Бикич Долу и Шиду (Руснаци, 2009: 25-26).

По Закону, руским дзецом цо ходза до основних школах у гевтих войводянских општинах и местох дзе жиє значни процент Руснацох (по 15 %) оможлівени три години тижньово на їх мацеринским язикау. Сербски язык (три години тижньово) и два странски язики (перши странски язык од 1. класи, други странски язык од 5. класи – два години тижньово) винїмки и обовязни су.

Попри порядней настави (шицки предмети) на руским язикау од 1. по 8. класу у Руским Керестуре, Коцуре и Дюрдьове, у других руских стредкох дзе пре мале число школярох нет можливосци организовањя порядней настави на руским язикау организує ше виучованє руского языка зоз елементами националней култури. Предмет виборни и заступени є зоз двома годинами тижньово. Вон заступени у Бачкей Тополї, Господїнцох, Коцуре, Кули, Нови Садзе, Новим Орахове, Петроварадину, Савиним Селу, Сримскей Каменїци, Сримскей Митровици, Суботици, Ветернику, Вербаше и у Шиду зоз окременима оддзеленяма у Бачинцох, Беркасове и Бикич Долу. Вкупне число местох доходзи по 16, а вецей як 330 школяре облапени з нїм (Руснаци, 2009: 27). Общи тренд же ше число школярох у школах зоз порядну наставу зменшує, а число школярох у школах зоз пестованьом ше зveckшує.

Основне образованє на руским язикау обовязне и безплатне. Необходне минималне число школярох за организовање класи 15, але зоз допущеньом Министерства просвити можлїве организовац класу и за менше число од 15.

Моментално нет ані єдней приватней школи на руским язикау ані на єдним уровню у Войводини.

Гимназия Петро Кузмьяк у Руским Керестуре обезпечує подполне образованє на стредньошколским уровню на руским язикау од 1970. року. То єдина стредня школа по руски на швецe. Ма интернатске змесценє за школярох и прето можлїве же би ше уписали не лем дзеци зоз Сербїи але и зоз других жемох дзе жию Руснаци. Барз важне наглашиц же аж и Русини / Руснаци зоз Карпатского ареалу чувствую Гимназию як свою, окреме гевти зоз України хтори не маю скоро нїч зоз образовней вертикали яка єст у Сербїи.

Маюци у оглядзе основне и стредне образованє, одвичательни органи можу допушиц виводзенє настави на руским язикау (як и на язикох других националних меншинох) кед за формованє класи єст меней од 15 школярох хтори жридлово бешеднїки. Факт же ше вкупне число школярох по класи на руским язикау благо зменшує.

Оддзеленє за русинистику на Филозофским факултету у Новим Садзе походзи од Лектората за руски язык хтори основани 1972. року (од 1981. року – Катедра за руски язык и литературу) и представя найвисши уровень образования по руски. Нови курикулум базовани на Болоньскей декларациї. Понеже руска популяция у Войводини / Сербїи досц мала, Оддзеленє за русинистику специфичне пре релативно мале число студентох. Приблїжно дваецц пецero студенти студираю на Оддзеленю, а стредне ше уписую пецero студенти по школским року.

Триецц пецero студенти потераз дипломовали на Оддзеленю за русинистику. Од нїх ше обчекує же би були лидере културно-образовного живота

Руснацох у Србији у першей половки 21. века. Векшина з ніх унапрямена на язични виглєдованя.

Курси руского языка можу ше нацивйовац и на Оддзеленю за медії дзе существує можлївосц же би ше на бюджет уписали двойо студенти. Студенти зоз даскелїх оддзеленьох Филозофского факултета можу тиж студирац руски язык – як виборни.

По нешка публиковани три руски ґраматика – *ґраматика бачваньско-рускей бешеди* о. др Г. Костельника (обявена 1923. року; оп. Костельник, 1975), *ґраматика руского языка: Фонетика – морфолоґия – лексика* / проф. Миколи М. Кочиша (оп. Кочиш, 1977) и *ґраматика руского языка* проф. др Юлиана Рамача (оп. Рамач, 2002). У перших двох, зоз двацетого вику, баржей пре дружтвено-политични условия у хторих жили авторе як пре линґвистични факти, руски язык третирани як диялект украинского языка. У трецей ґраматика руски язык змесцени медзи заходнославянски и восточнославянски. Автор тих шорикох, позарядови професор за предмет Руски язык на Оддзеленю за русинистику и представитель войвожданских Руснацох у Интеррегионалней комисії за кодификованє русинского языка, на числених наукових сходох ширцом швета, цо по нешка не була пракса, представял руски язык з рижних аспектох. Проф. др Михайло Фейса бешедовал, а написал и даскельо статї, хтори ше дотикаю статуса руского языка. З той нагоди пренешем есенцию тих виглєдованьох. Увагу фокусуєм на общи фонетски и морфолоґийни характеристики хтори одредзую восточнославянску, заходнославянску и южнославянску язичну заєдніцу и поровнам их зоз характеристиками руского языка.

#### 4. Медзи трома славянскими язичними заєдніцами

У *Основох поровнуюцей ґраматика славянских языкох* Р. Бошкович як основни характеризуюци риси славянских язичних заєдніцох видзелює шлїдууюци характеристики (Бошковић, 1977: 15-17):

А) *прикмети виключно восточнославянскей язичней заєдніци:*

1. розвой праславянских полувокалох ъ, ь на о, е пред праславянскима сонантами *ʃ, ʃ* (русий. *горло, зерно*; укр. *горло, зерно*; руски *гарло, зарно*);
2. специфични розвой праславянских ґрупох TORT, TERT, TOLT, TELT зоз тькв. восточнославянским полногласйом на TOROT, TERET, TOLOT (русий. *ворона, молоко*; укр. *ворона, молоко*; руски *врана, млеко*);
3. розвой праславянских ґрупох *tj, dj* на *č, ž* (укр. *свіча, межа*; русий. *свеча, межа*; руски *швичка, меджа*);
4. специфични розвой *e* на початку слова хторе прешло до *o* (укр., русий. *один, Олена*; серб. *jedan, Jelena*; руске *еден, Гелена/Елена*);

Б) *прикмети заходнославянскей язичней заєдніци:*

1. розвой праславянских ґрупох *tj, dj* на *c, dz* (або *z*) (поль. *świeca, miedza*; чes. *svíce, meze/mez*; руски *швичка, меджа*);

2. *š* (а не *s*), як результат другой и трецей палаталізаціі (чес. *touše, Češi, všesek*; руски *мухи, Чехи, шицко*);
3. одсуство такв. епентетичного *л* (*l*) у суфіксалних складах (поль. *ziemia*, слвц. *zem*; русий. и укр. *земля*; руски *жем*; русий. *лублию*; руски *любим*);
4. чуванє праславянских ґрупох *tl, dl* (укр. *крило, вила/вилки*; русий. *крыло, вилы*; серб. *крило, виле*; слвц. *kridlo, vidly*; руски *кридло, видли*);
5. одсуство палаталізаціі у праславянских ґрупох *kvě, gvě* (поль. *kwiat, gwiazda*; слвц. *kvet, hviezda*; укр. *цвіт/квіт, зізда*; русий. *цветок, звезда*; серб. *цвет, звезда*; руске *квет/квиток, гвизда*).

в) *прикмети южнославянскей язичней заєдніци:*


1. прасл. *t<sup>e</sup>, n<sup>e</sup>* : *te, ne*; т.є. праславянски палаталізовані консонанти не преходза до палаталох (серб. *породити, косити, тонао*; укр. *породити, косити, теплий*; руски *породзиц, кошиц, цепли*);
2. праславянски ґрупи на початку слова *ŎRT, ŐLT* : *RAT, LAT* (*раван, ристи, лакат*; руски *ровни, роснуц, локец*);
3. праславянски ґрупи *TORT, TERT, TOLT, TELT* : *TRAT, TRĚT, TLAT, TLĚT* (серб. *врана, бр(uj)ег, мл(uj)еко*; сербски тоту характеристику дзелі зоз ческим и словацким; руски *врана, брег, млеко*);
4. праславянске *ę* : *e* (серб. *пет, десет*; русий и укр. исти: *пять, десять*; слвц. *pet/pät` , dzesec/desat`*, вост. слвц. *pejs, dzesec*; руски *пейц, дешец*);
5. од праславянского *ch* (*h*) достате *s* (а не *š*, як у заходнославянских язикох) (напр. ст. сл. Д и Л *муѣ, вьѣ*; серб. *муви/муси, све*; чес. *touše, vše*; поль. *musze, zawsze*; д. луж. *muše, wšen*; руски *мухи, шицко*).

Треба мац на розуме же граніци пресцераня тих основних характеристикох трох славянских заєдніцох не мож оштро поцагнуц. Кед бизме их сцели графично представиц, вони би не представляли три окреми множества, але скорей множества хторим мож, у математичней терминології, утвердзиц пререз. Або, як Й. Шмит, илуструюци свою *теорию габи*, свойочасово представел одношеня медзи индоевропскимі язиками (дзе слово о штирох габох: келтскей, германскей, греческо-италскей, балто-славянско-индо-иранскей...; Ivšić, 1970: 2) як три габи хтори здабу на медзисобно споєні карики, з чим ше визначує же каждая з ніх одредзена зоз дзепоедними заєдніцкими и дзепоедними специфичними прикметами.

## 5. Заклучни констатаціі о месце руского язика

Виводзаци заклучене по стандартних критериюмох одредзованя припадносци ґу восточней, заходней и южней ґрупи славянских язикох, мож заклучиц же руски язык дзелі дакус вецей, або у векшей мири, заєднічки характеристики зоз заходнославянскимі язиками, насапредз словацким, або восточнословацкимі бешедями. Место руского язика у фамелії славянских язикох на основи виложеного мож представиц и графично:





Шлїдујуће закључене представяне на вецей заводи на славистичних наукових сходах и у рускеј / русинскеј јавносци як у Србиї так и иноземстве. По нешка є не оспорене з оглядом же евидентне же кед ше лингвистична класификация базує на лингвистичних фактох и критериумох, диялектизованє руского јазика яке доминовало у прешлим столїтию у подполносци неосноване. З тим вецей же 2004. року у славистичних кругох прилапене кодификофане русинских вариантох односно русинского јазика, цо Ополски универзитет коруновал зоз одвитујуцу моноґрафию публиковану 2004. року (оп. Magocsi, 2004).

Автор тих шорикох вообщє не песимиста у вязи зоз розвойом руского јазика. Одзелене за русинистику ма квалитетних и перспективних студентох. Штверо з нїх напр. активно укључени до виробку *Правописного словнїка руского јазика*, хтори представя першу фазу виробка нового *Правописа руского јазика*. Перши, Миколи М. Кочиша, публиковани пред штирома децениями (Кочиш: 1971).

Войводянски Руснаци у Србиї маю, праве як и други припаднїки националних меншинох, можлївосц очуваня и розвою своего националногo идентитета у обласцох ґарантованих зоз Уставом и законами. Нови законски статус оможлївел рускеј заєднїци основац два барз важни институциї – Национални совет рускеј националней меншини и Завод за културу войводянских Руснацох. Док Завод основани за културу у найширшим смислу, Национални совет рускеј националней меншини основани за штири обласци у хторих руска заєднїца ма заґарантовани права – за културу, за образованє, за

информоване и за урядове хасноване языка и писма. Зоз снованьом Национального совита рускей националней меншини руска меншина ма можливосц, з єдного боку, очувац и розвивац елементи свойого идентитета, тє. очувац и унапредзиц свойо културни, язични, вирски и други специфичносци, и, з другого боку, участвовац у дружтвеним живоце и дзеліц управну власц.

Случай руского языка хтори у урядовим хаснованю даскельо децениї, як у покраїнских орґанох так и на території шейсцох општинаох у хторих Руснаци жию у значним чишлє, у каждым случаю приклад за визначованє пред веліма развитима європскима дружтвами и державами.

## Литература

- Barić, E. (2007). *Rusinski jezik u procijepu prošlosti i budućnosti*. Zagreb: Institut za hrvatski jezik i jezikoslovlje.
- Бошковић, Р. (1990). *Основи упоредне граматике словенских језика: фонетика и морфологија*. Никшић: Универзитетска ријеч.
- Дуличенко, А. Д. (1981). „Русинский язык“. У А. Е. Супрун и А. М. Калюта, *Введение в славянскую филологию*. Минск: Высшая школа, 132–134.
- Дуличенко, А. Д. (1995). *Jugoslavo Ruthenica I, Роботи з рускей филологиї*. Нови Сад: Руске слово.
- Дуличенко, А. Д. (2002). *Книжка о руским язiku* (умножене як рукопис, без рецензентох). Нови Сад: НВУ Руске слово, Дружтво за руски язик, литературу и культуру.
- Дуличенко, А. Д. (2009). *Jugoslavo Ruthenica II, Роботи з рускей филологиї и исторії*. Нови Сад: Филозофски факултет – Оддзелене за русинистику, НВУ Руске слово.
- Фейса, М. (1997). „Карпатскоц коцуризмох“. У *Зборник роботох зоз III конгреса Русинох / Руснацох / Лемкох*. Руски Керестур: Руска матка, 155–168.
- Fejsa, M. (1998). „Yugoslav Rusyns: Identity, Culture, Education, Religion“. In *National Minorities In Vojvodina*. Novi Sad: Opšte udruženje studenata za Evropu / Association des Etats Généraux des Etudiants de l' Europe, 56–67.
- Fejsa, M. (2000). „Югославянски Русини (Руснаци) / Ruthènes de Yougoslavie / Yugoslav Rusyns (Ruthenians)“. In *Multilingual European Guide of Cultural Communities and of Maisons de Pays of Europe*. Le Cannet: European Federation of the Maisons de Pays, 267–278.
- Фейса, М. (2004). „Социолінгвистични аспект руского языка: Войводина“. У *Русинський язык*. Opole: Uniwersytet Opolski, Instytut Filologii Polskiej, 373–383.
- Фейса, М. (2006). „Образованє при Руснацох“. У *Изученя русинського языка у Мадярщини и за її гатарами*. Вседержавна русинска меншинска самоуправа у Мадярскей, 29–38.
- Фейса, М. (2005). „Положај русинске националне мањине“. У *Књига резимеа*. Београд: Српска академија наука и уметности – Међунационални одбор за проучаванє националних мањина и људских права, 36–38.
- Фейса, М. (2007). „Основни характеристики руского языка у поровнаню зоз другима славянскима язиками“. У *Славянские литературные микроязыки и языковые контакты*. Тарту: Тартуский университет – Кафедра славянской филологии, Королевская шведская академия литературы, истории и древностей, 90–100.

- Фейса, М. (ред.). (2007). *Русини / Руснаци / Ruthenians (1745–2005) I*. Нови Сад: Филозофски факултет – Одсек за русинистику, ИК Прометеј, КПД ДОК – Куцура.
- Фейса, М. и Медеши, Г. (2007). „Правописни проблеми руского јазика у Войводини“. У *Jazyková kultúra a jazyková norma v rusínskom jazyku*. Prešov: Prešovská univerzita v Prešove, Ústav regionálnih a národnostných štúdií.
- Фейса, М. (2008). „Руски јазик у урядовей сфери“. У *Русиньскый язык меджі двома конгресами*. Пряшів: Світовий конгрес Русинів, Інститут русиньского јазика і културы Пряшівской універзیتی в Пряшові, 92–95.
- Фейса, М. (ред.). (2008). *Русини / Руснаци / Ruthenians (1745–2005) II*. Нови Сад: Филозофски факултет – Одсек за русинистику, ИК Прометеј, КПД ДОК – Куцура.
- Фейса, М. (2009). „Найвисши ступень меншинского образования“. У *Карпатские русины в славянском мире*. Москва – Братислава: Univerzita Komenskeho v Bratislave – Filozofická fakulta – Katedra všeobecných dejín, Московский государственный университет имени М. В. Ломоносова – Исторический факультет – Кафедра истории южных и западных славян, 257–269.
- Фейса, М. (2009). „Тенденції розвою нормованя руского јазика войводянских Руснацох“. У *Труды и материалы*. Москва: Московский государственный университет имени М. В. Ломоносова, 177.
- Fejsa, M. (2010). „Dvojezičnost kod rusinske dece u Vojvodini“. *Zbornik Pedagoškog zavoda* 6., 69–73.
- Фејса, М. (2010). *Нова Србија и њена русинска мањина / Нова Сербия и еј руска мањина / The New Serbia And Its Ruthenian Minority*. Нови Сад: Издавачка кућа Прометеј – Културно-просветно друштво ДОК.
- Gavrilović, S. (1977). „Rusini u Bačkoj i Sremu od sredine XVIII do sredine XIX veka“. *Godišnjak Društva istoričara Vojvodine*. Novi Sad: Društvo istoričara Vojvodine, 153–215.
- Густавсон, С. (1983). „Руски јазик у Југославији – дияхрония и синхрония“. *Творчосц* 9, 20–30.
- Halaga, O. R. (2002). *Východoslovenský slovník, I–II*. Košice, Prešov: Universum.
- Хорњак, М. (2006). „Бачко-сремски Русини“. У *Русини / Руснаци / Ruthenians (1745–2005) I*. Нови Сад: ИК Прометеј, Филозофски факултет – Одсек за русинистику, КПД ДОК, 3–25.
- Костельник, Г. (1975). *Проза*. Нови Сад: Руске слово.
- Кочиш, М. М. (1971). *Правопис руского јазика*. Нови Сад: Покрајински завод за издаванє учебнікох.
- Кочиш, М. М. (1977). *Граматика руского јазика: Фонетика – морфологија – лексика I*. Нови Сад: Покрајински завод за издаванє учебнікох.
- Кочиш, М. М. (1978). *Лингвистични роботи*. Нови Сад: Руске слово.
- Лабош, Ф. (1979). *История Русинох Бачкеј, Сриму и Славонији 1745–1918*. Вуковар: Союз Русинох и Украјинцох.
- Латта, В. П. (1991). *Атлас украјинських говорів східної Словаччини*. Братислава, Пряшев: Словацке педагогічне видавництво, Відділ украјинскої літератури.
- Magocsi, P. R. (1996). „The Rusyn Language Question Revisited“. In *A New Slavic Language Is Born*. New York: Columbia University Press.

- Magocsi, P. R. and Pop, I. (eds). (2002). *Encyclopedia of Rusyn History and Culture*. Toronto, Buffalo, London: University of Toronto Press.
- Magocsi, P. R. (red.). (2004). *Русинський язык*. Opole: Uniwersytet Opolski – Instytut Filologii Polskiej.
- Магочи, П. Р. (2009). *Народ ніодкадз*. Ужгород, Нови Сад: Видавельство Валерия Падяка, НВУ Руске слово.
- Medješi, Lj. (1993). „The Problem of Cultural Borders in the History of Ethnic Groups: The Yugoslav Rusyns“. In Magocsi P. R. (ed.). *The Persistence of regional Cultures: Rusyns And Ukrainians In Their Carpathian Homeland And Abroad*. New York: Carpatho-Rusyn Research Center.
- Медеши, Г. (2008). *Язык наш насущни*. Нови Сад: Дружтво за руски язык, литературу и культуру.
- Надь, Г. Г. (1983). *Лингвистични статі и розправи*. Нови Сад: Руске слово.
- Надь, Г. Г. (1988). *Прилоги до историі руского языка*. Нови Сад: Руске слово.
- Рамач, Ю., Фейса, М. и Медеши, Г. (1995, 1997). *Српско-русински речник / Сербско-русински словник I–II*. Београд, Нови Сад: Завод за учебніки и наставни средства, Универзитет у Новим Садзе – Филозофски факултет – Катедра за руски язык и литературу, Дружтво за руски язык и литературу.
- Рамач, Ю. (2002). *Грамматика руского языка*, Београд: Завод за уџбенике и наставна средства.
- Рамач, Ю., Медеши, Г., Тимко-Дітко, О. и Фейса, М. (2010). *Руско-сербски словник / Русинско-српски речник*. Нови Сад: Универзитет у Новим Садзе – Филозофски факултет – Катедра за руски язык и литературу, Завод за культуру войвођанских Руснацох.
- Руснаци у Сербіі – Информатор*. (2009). Руски Керестур: Национални совет рускей национальной заедніци, Завод за культуру войвођанских Руснацох, НВУ Руске слово
- Сабо, С. (2008). „Завод за издаване учебнікох од снованя по нешка“. У *Русини / Руснаци / Ruthenians (1745–2005) II*. Нови Сад: Филозофски факултет – Одсек за русинистику, ИК Прометеј, КПД ДОК – Куцура, 319–324.
- Сегеди, К. (2007). „Русинисти-лингвисти“. У *Русини / Руснаци / Ruthenians (1745–2005) I*. Нови Сад: Филозофски факултет – Одсек за русинистику, ИК Прометеј, КПД ДОК – Куцура, 248–252.
- Spevak, Z. (2006). „(Postoje li) evropski standardi u obrazovanju nacionalnih manjina“. In *Evropske dimenzije reforme sistema obrazovanja i vaspitanja*. Novi Sad: Univerzitet u Novom Sadu – Filozofski fakultet – Odsek za pedagogiju, 124–128.
- Стоянац, Н., Пиянович, П., Тамаш, Ю. и Сабо, С. (ред). (1996). *Руснаци / Русини 1745–1995*. Нови Сад: Завод за уџбенике и наставна средства, Филозофски факултет – Катедра за русински језик и књижевност.
- Супрун, А. Е. и Калюта, А. М. (1981). *Введение в славянскую филологию*. Минск: Высшая школа.
- Жирош, М. (1998). *Бачванско-српски Руснаци дома и у швецe 1745–1991 II*. Нови Сад: Грекокатоліцка парохия св. Павла и Петра.

Mihajlo Fejsa

## THE RUTHENIAN LANGUAGE IN SERBIA AND ITS PLACE IN THE FAMILY OF SLAVIC LANGUAGES

*Summary:* The origin of the Ruthenian / Rusyn linguistic system can be traced back to the Common-Slavic period. It is a language with its own authentic and stable linguistic system. According to linguistic criteria the Ruthenian language has characteristics of mostly Western Slavic, Eastern Slavic, and even Southern Slavic languages.

Recognized administratively in the Republic of Serbia / Autonomous Province of Vojvodina, the Ruthenian minority enjoys high degree of self-government. Legislative, executive, and judicial bodies exercise power in all areas in which the language and cultural rights of the Ruthenian minority are especially important. This applies particularly to education, culture, media, and local administration. The new legal status has enabled the Ruthenian community to establish two very important institutions – the National Council of the Rusyn National Minority and the Institute for Culture of the Vojvodinian Ruthenians.

The case of the Ruthenian language, which has been in official use for several decades both in the provincial organs and on the territory of six municipalities in which the Ruthenians live in a significant number, is by all means a prominent example for many developed European societies and states.

*Key words:* Ruthenians / Rusyns, Ruthenian language, minority languages, linguistic criteria